

文

子

文子卷三

句餘孫 鑛文融詩

武林梁 杰廷玉閱

九守篇

守者專一於志而九備於數極則物無不在其域事無不與其域亦用九之義也

老子曰天地未形窈窈冥冥混而爲一寂然清澄重濁爲地精微爲天離而爲四時分而爲陰陽精氣爲人粗氣爲蟲默希子曰氣有清濁物有精粗

剛柔相成萬物乃生精神本乎天骨骸根於地精神

人其門骨骸反其根我尚何存

正儀子曰夫有生有化天理之常故其生

也則歟爾爲形爲神其化也則寂然反本歸根來非所尚夫非在我則我見憑何立哉

故聖人法天順地不拘於俗不誘於人以天爲父以

地爲母

正儀子曰宗順於神形之極法則於覆載之德

陰陽爲綱四時爲紀

正儀子曰不特此以爲綱紀則無以同乎大順也

天靜以清地定以寧萬物逆者死順者生

默希子曰天無心於

順逆人有生於清敗

故靜漠者神明之宅虛無者道之所居夫精神者所

受於天也骨骸者所稟於地也

正儀子曰所謂貴神以存形耳

故曰道生一

正儀子曰觀肇有之前強名曰道數方混故謂之一也

一生二

正儀子曰啓泮爲陰陽二氣

二生三

正儀子曰陽清爲天陰凝爲地二氣交和爲人

三生萬物

默希子曰三才既立萬化能生故品類日新

萬物負陰而抱陽冲氣以爲和

默希子曰皆柔和氣而生

南谷子曰一者形之始九乃數之成聖人究於九而守乎一道在我矣一即心心即天天即人人即物物即道道即我我即始能知於始是謂道紀

老子曰人受天地變化而生

正儀子曰受氣以變化而生此形骸

一月而膏

正儀子曰結聚之始貌如脂膏

二月而脉。

正儀子曰血氣通而成脉也。

三月而胚。

正儀子曰內未堅但有胚段也。黔希子曰定府靈也。

四月而胎。五月而筋。六月而骨。七月而成。

正儀子曰內全五藏。

外成
九竅

八月而動。

正儀子曰動於支體。

九月而躁。

正儀子曰動之數也。

十月而生。形骸已成。五臟乃分。肝主目。腎主耳。脾主

舌。肺主鼻。膽主口。

正儀子曰不言心者以衆藏之最靈不偏於一耳。

外爲表中爲裏。頭圓法天。足方象地。天有四時五行。

九曜三百六十六日人有四支五藏九竅三百六十

六骨節天有風雨寒暑人有取與喜怒膽爲雲正儀子曰

勇威之象

肺爲氣

正儀子曰皓素之象

脾爲風

正儀子曰躁動之象

腎爲雨

正儀子曰陰澤之象

肝爲雷

正儀子曰震怒之象

人與天地相類而心爲之主耳目者日月也血氣者

風雨也

正儀子曰日月象日耳象月氣象風血象雨

日月失行薄蝕無光風雨非時毀折生災

默希子曰
天有日月

不可不明風雨不可不節不時不節則為災人有
耳目不可不清血脈不可不平不和不平則為病

五星失行州國受其殃

默希子曰五星所犯分野
受災五藏受邪一身生病

天地之道至閔以大而猶節其章光愛其神明入之

耳目何能久視聽而不息精神何能馳騁而不乏是

故聖人守內而不失外

默希子曰內保
精神外全形體

夫血氣者人之華也五臟者人之精也血氣專平內

而不外越則胸腹克而嗜欲寡

默希子曰夫見表知
裏視本知末且嗜欲

生乎中華色形乎外精氣

和於內而服膏竟乎外

嗜欲寡則耳目清而聽視聰達聽視聰達謂之明五
藏能屬於心而無離則氣意勝而行不懈精神盛而
氣不散以聽無不聞以視無不見以爲無不成患禍
無由入邪氣不能襲故所求多者所得少所見大者
所知小

默希子曰自少以求多
卽易因小以知大則明

夫孔竅者精神之戶。離意氣者五藏之使候。

正儀子曰意氣

爲使則五
藏可候也

故耳目淫於聲色卽五藏動搖而不定血氣滔蕩而

不休卽精神馳騁而不守

正儀子曰
神以形類

禍福之至，雖如丘山，無由識之矣。

正儀子曰：辭見微亂，則迷者也。

故聖人愛而弗越。

默希子曰：辭通嗜欲，務在節宣，不祈分也。

聖人誠使耳目精明玄達，無所誘慕，意氣無失，清靜而少嗜欲，五藏便寧，精神內守，形骸而不越，即觀乎往世之外來事之內禍福之間，可足見也。故其出彌遠者，其知彌少；言精神不可使外淫也。故五色亂目，使不明；五音入耳，使不聰；五味亂口，使口厲爽。

默希子曰

外有所欲
內有所貴

趨令滑心，使行飛揚，故嗜欲使人氣淫，好憎使人精

勞不疾去之則志氣日耗

默希子曰精氣泄漏則形神日逝其能久乎

南谷子曰河水雖廣風日耗之精神雖王物欲消之未有不消滅者也養生之道無他術如養馬焉去其害焉者而已

夫人所以不能終其天年者以其生生之厚也。

正儀子曰

隨其所嗜好厚養以傷生也

夫唯無以生爲者卽所以得長生也。

默希子曰無以生爲不厚生不

厚生者不處必死之地也

天地運而相通萬物總而爲一能知一卽無一之不

知也。

正儀子曰能知一原之道則天地萬物之情可知也

不能知一卽無一之能知也。

正儀子曰不由道本弱類皆昧

吾處天下亦爲一物而物亦物也物之與物何以相

物。默希子曰此明物我玄同兩忘彼此則游刃於虛全真反樸也

欲生不可事也。憎死不可辭也。賤之不可憎也。貴之

不可喜也。正儀子曰非悅貴而得貴惡賤而去賤直自然耳

因其資而寧之弗敢極也。弗敢極卽至樂極矣。正儀子曰

任物表之自安乃極其分制而極之固非極也夫放任所極非樂極而何

守虛 九守一數

老子曰所謂聖人者因時而安其位當世而樂其業

默希子曰安人之所不安至
安樂人之所不樂至樂也

夫哀樂者德之邪。好憎者心之累。喜怒者道之過。

希

子曰凡人則
有道者則無

故其生也天行。其死也物化。

默希子曰生非我有故
謂天行死非我終故曰

物化

靜則與陰合德。動則與陽同波。

默希子曰動靜
不失其正也

故心者形之主也。神者心之寶也。

正儀子曰妙用
之神聖人所貴

形勞而不休。卽蹙精用而不已。則竭。是以聖人遵之。

不敢越也。

默希子曰形者神之宅。精者氣之靈。相依
而生相違而死。聖人貴之不敢輕用也。

以無應有必究其理以虛受實必窮其節

正儀子曰
惟其虛能

蓋彼所來
之限也

恬愉虛靜以終其命

默希子曰保
虛靜達生死

無所疏無所親

正儀子曰
齊物也

抱德煬和以順於天與道爲際與德爲鄰不爲福始

不爲禍先

正儀子曰夫禍非福也而安以爲福禍非
禍也而躁以爲禍能安於禍則寧異其禍

不安於禍則禍在於禍禍之體不在窮達而宗
於躁靜也且先始之義主於動作吉凶生乎安動
倚伏在於動時是以聖人無爲無作無禍無福儻
然而往儻然而來禍福之迹外彰而屯泰之情不

人
也

死生無變於已

正儀子曰冥順變化者無時而不相此已之未嘗生死也

故曰至神神卽以求無不得也以為無不成也

正儀子曰

用之無方

南谷子曰聖人順天而行因時而作不為福也不為禍始事至而應應已則靜是謂守虛

守無

正儀子曰游萬物而不物則無喪無物矣

老子曰輕天下卽神無累細萬物卽心不惑

正儀子曰輕虎

世榮心

存物外

齊死生卽意不懾同變化則明不眩夫至人倚不撓之柱行無關之途

然希子曰以道為柱所以無傾以德為途所以皆通

稟不竭之府，學不死之師。

然希子曰：木乎不生。

無往而不遂，無之而不通，屈伸俯仰，抱命不惑而宛轉禍福，利害不足以患心。夫爲義者可迫以仁而不可劫以兵，可正以義而不可應以利。君子死，義不可以富貴留也；爲義者不可以死亡恐也。又況於無爲者乎？無爲者卽無累無累之人，以天下爲影柱。

正儀子曰：影柱

虛無也。

上觀主人之倫，深原道德之意，下考世俗之行，乃足

以羞也。

正儀子曰：羞進也。

一書無別
何容有辨

何異於無

從無於有

七

夫無以天下爲者學之建鼓也

正儀子曰夫上古
君以天下爲已不思

至道其由擊鼓

而欲無聲也

南谷子曰無不生無而生有有喪則復歸於無知
有乃無之利無乃有之用則知無不無無不無無
卽道有不常有不常有卽物是以聖人齊物我一
生死而不累於神自有不亡者存是謂守無

守平

老子曰尊勢厚利人之所貪比之身則賤故聖人食
足以克虛接氣衣足以蓋形禦寒適情辭餘不貪得
不多積清目不視靜耳不聽閉口不言委心不慮棄
聰明反太素休精神去知故無好無憎是謂大通除

穢去累莫若未始出其宗何爲而不成

正儀子曰未始出其宗者

謂本來虛寂無貪愛故

萬累俱遣還原復樸也

知養生之和者。卽不可懸以利。通內外之符者。不可

誘以勢。

點滸子曰貪利傷生慕世妨道至人之所不爲也

無外之外至大無內之內至貴能知大貴何往不遂。

南谷子曰世之尊勢厚利人所共貪貪則不平之心生聖人無之心平氣定神不外馳合乎大常之

道是謂

守平

守易

老子曰古之爲道者理情性治心術養以和持以適

樂道而忘賤安德而忘貧性有不欲無欲而不得心
有不樂無樂而不爲無益於性者不以累德不便於
生者不以滑和

默希子曰名利傷德嗜欲害生故不爲也

不縱身肆意而制度可以爲天下儀

默希子曰自能於慎可爲儀表

量腹而食制形而衣容身而居適情而行餘天下而
不有委萬物而不利豈爲貧富貴賤失其性命哉夫
若然者可謂能體道矣

前谷子曰治心理性易其身而後動定其意而後
舉樂道安常不爲難能之事安而行之是謂守易

守清

老子曰人受氣於天者耳目之於聲色也鼻口之於

芳臭也肌膚之於寒溫也其情一也

默希子曰
貴賤所同

或以死或以生或爲君子或爲小人所以爲制者異

正儀子曰夫生之情也六事同適耳若外不遇當
內不犯和則畢命自天全行歸物若聲色以蕩志

木炭以加身自然與死爲徒與妄爲
述豈非天受人喪所制異宜者哉

神者智之淵也神清則智明

默希子曰
鑒無遺物

智者心之府也智公則心平

默希子曰
動不私已

人莫鑒於流潦而鑒於澄水以其清且靜也故神清

意平乃能形物之情

默希子曰惟清
與平可察物情

故用之者必假於不用者。默希子曰謂有無相成形神相保也

夫鑒明者則塵垢弗污也神清者嗜欲弗誤也故心

有所至則神漑然在之

正儀子曰心者直至神者妙用夫心行則神往意止則神

住可不

澄定乎

反之於虛則消燥藏息矣此聖人之遊也。默希子曰心無靜躁

神明

虛遊

故治天下者必達性命之情而後可也

南谷子曰聖人之心明如止水物來則見物去則靜曾何滯於吾心是謂守清

守貞

老子曰夫所爲聖人者適情而已量腹而食度形而

衣節乎已而貪污之心無由生也

正儀子曰生之不得已者衣食也

身量腹餘爲他物矣但內外無污謂之聖人也

故能有天下者必無以天下爲者也能有名譽者必不以越行求者也誠達乎性命之情仁義乃因附也

正儀子曰通性命

者舉措自成仁義

若夫神無所掩心無所載通同條達澹然無事勢利

不能誘也燥色不能淫也

正儀子曰無貪無染

辯者不能說也智者不能動也勇者不能恐也

正儀子曰

無惑
無懼

此真人之道也。夫生生者不死，化化者不化。默希子曰：惟不

生者能生，生不化者能化，化不生不化，故能爲生化之本。

不達此道者，雖智統天地，明照日月，辯解連環，辭潤

金石，猶無益於治天下也。故聖人不失所守。正儀子曰：謂守

生化之原，不用明察爲治。

南谷子曰：顯其時宜，達其衆心，惟不逆萬物之情，故能心聚形釋，能亦下已，是謂守真。

守靜。正儀子曰：聖人安此以爲生，根德本。

老子曰：靜漠恬淡，所以養生也；和愉虛無，所以揅德

也外不亂內卽性得其宜靜不動和卽德安其位養生以經世抱德以終年可謂能體道矣

默希子曰外物不撓內和

自生育之有質歸乎自然

若然者血脉無鬱滯五臟無積氣禍福不能矯滑非

與不能塵垢

正儀子曰撓性亂和沽名求譽者傷生之士也

非有其世孰能濟焉有其才不遇其時身猶不能脫又况於道乎

正儀子曰有堪任之才未適權變之用則多事之世未能脫離况非守靜而踐

危棧

共

夫日察秋毫之末者耳不聞雷霆之聲耳調金玉之

音者。目不見太山之形。故小有所志。則大有所忘。

希

子曰專視則廢耳專聽則廢目以心不用志不兼攻故知見利忘道徇物遺身多矣

今萬物之來。摧拔吾生。撻取吾精。若泉原也。

正義子口聲色

之類左右不可盡故至天生竭精也

雖欲勿稟其可得乎

正義子曰以在耳目之前

今盆水若清之經日。乃能見眉睫。濁之不過一撓。卽不能見方圓也。人之精神難清而易濁。猶盆水也。

南谷子曰一有喜功生事之心撓其自然亂其天常則靜者失動者惑惟不事奇變是謂守靜

守法

老子曰上聖法天

正儀子曰上古聖君法象天道不教而自化素智而成功盛德日新

玄功莫朕默

希子曰無爲

其次尚賢

正儀子曰以賢德之道爲上也默希子曰形教也

其下任臣任臣者危亡之道也

默希子曰權政在人危亡無日

尚賢者癡惑之原也

正儀子曰尚賢則爭爭爲亂本

法天者治天地之道也

正儀子曰法自然之道則二儀通治

虛靜爲主虛無不受靜無不持知虛靜之道乃能終

始故聖人以靜爲治以動爲亂

默希子曰自靜者則心不撓自治者則物

不

亂

故曰勿撓勿撓。萬物將自清。勿驚勿駭。萬物將自理。
天道然也。

南谷子曰：修身無法則事惑而精神喪，治國無法則政亂而人民傷。惟法天以安萬化，是謂守法。

守弱

老子曰：天子公侯以天下一國爲家，以萬物爲畜。懷天下之大有，萬物之多，卽氣實而志驕。大者用兵，侵小小者倨傲。凌下用心奢，廣譬猶飄風暴雨，不可長。夕長以聖人以道鎮之，執一無爲而不損，冲氣見小。

守柔退而勿有

默希子曰：不可光大。

法於江海江海不爲故功名自化弗強故能成其王

默希子曰言聖人有功不居民
自從化有德不宰物自歸往也

爲天下牝故能神不死

正儀子曰教柔之謂
也聖人法之以存神

自愛故能成其貴萬乘之勢以萬物爲功名權任至

重不可自輕自輕則功名不成

默希子曰聖人以萬
物爲貴今輕萬物是

輕其身輕其身是輕天
下輕天下物不歸矣

夫道大以小成多以少生故聖人以道蒞天下柔弱
微妙者見少也儉嗇損缺者見小也見小故能成其
大見少故能成其美

南谷子曰弱者道之用非性也守其冲和而已不以勢位自強不以兵甲暴衆大者小而成衆戴寡爲主往而不害是謂守弱

天之道抑高舉下損有餘奉不足

正儀子曰其猶張弓乎勢之均也

江海處地之不足故天下歸之奉之聖人卑謙守靜

辭讓者見下也

默希子曰江海以容納爲大聖人以謙濟爲尊

虛心無有者見不足也見下故能致其高見不足故能致其賢矜者不立奢者不長強梁者死滿溢者亡飄風暴雨不終日小谷不能湏臾盈飄風暴雨行強梁之氣故不能久而滅小谷處強梁之地故不得不

奪是以聖人執雌牝去奢驕不敢行強梁之氣執雌
牝故能立其雄牡不敢奢驕故能長久

老子曰天道極卽反盈卽損日月是也故聖人日損
而冲氣不敢自滿日進以牝功德不衰天道然也人
之情性皆好高而惡下好得而惡亡好利而惡病好
尊而惡卑好貴而惡賤衆人爲之故不能成執之故
不能得是以聖人法天弗爲而成弗執而得

默希子
曰聖人

法天不好尊高不惡卑下
故不尊高而自尊高也

與人同情而異道故能長久故三皇五帝有戒之器

命曰侑卮其冲則正其盈則覆夫物盛則衰日中則

移月滿則虧樂終而悲是故聰明廣智守以愚正儀子曰

至察無徒

匿耀守中

多聞博辯守以儉正儀子曰矜能有辱特後無失

武力勇毅守以畏正儀子曰輕敵多敗虞懼保勝

富貴廣大守以狹默希子曰乘克則多悔也

德施天下守以讓此五者先王所以守天下也服此

道者不欲盈夫惟不盈是以弊不新成默希子曰謹守弊陋不令

盈滿服膺此道可

保天下况於一身

老子曰聖人與陰俱閉與陽俱開

默希子曰可聽則聽可顯則顯也

能至於無樂也。卽無不樂也。無不樂卽至樂極矣。是內樂外不以外樂內。故有自樂也。卽有自志貴乎天下所以然者因天下而爲天下之要也不在於彼而在於我不在於人而在於身身得則萬物備矣。

默希子曰

求之於外與道相背
修之於身與德爲隣

故達於心術之論者卽嗜欲好憎外矣。是故無所喜無所怒無所樂無所苦萬物玄同無非無是。

正儀子曰是非

之心生於愛惡心既無矣故
不知所以遺而非非都盡矣

故士有一定之論。女有不易之行。

默希子曰：士之有道，萬萬不能遷其

心。女之有行，千

金不能變其節。

不待勢而尊，不須財而富，不須力而強，不利貨財，不貪世名，不以貴爲安，不以賤爲危。形神氣志各居其

宜。

默希子曰：尊道富德，輕勢委利，志氣清凝，形神相接矣。

夫形者，生之舍也。氣者，生之元也。神者，生之制也。一失其位，卽三者傷矣。故以神爲王者，形從而利，以形爲王者，神從而害。貪饗多欲之人，顛冥乎勢利，誘慕乎名位，幾以過人之智，位高於世，卽精神日耗，以遠

老子

久淫而不還形閉中距卽無出入矣。正儀子曰形以剛強爲閉中無

和氣

爲距

是以時有盲忘自失之患夫精神志氣者靜而日克

以壯躁而日耗以老。默希子曰靜則復元躁則失生也

是故聖人持養其神和弱其氣平夷其形而與道浮

沉如此則萬物之化無不偶也百事之變無不應也

守樸

老子曰所謂真人者性合乎道也故有而若無實而

虛治其內不治其外明白太素無爲而復樸體六

掩神以遊天地之根芒然仿佯塵垢之外逍遙乎無
事之業機械智巧不載於心審於無假不與物遷

默希

子曰真性已
著外物不移

見事之化而守其宗心意專於內通達禍福於一

正儀

子曰專氣無
雜通而不異

居不知所爲行不知所之

正儀子曰
無爲無故

弗學而知弗視而見弗爲而成弗治而辯感而應迫
而動不得已而往如光之耀如影之效以道爲循有
待而然廓然而虛清靜而無以千生爲一化以萬異

爲一宗

默希子曰千生雖殊同乘一化萬形各異同出一虛

有精而不使有神而不用守太渾之樸立至精之中

其寢不夢

正儀子曰無所想像

其智不萌

正儀子曰不先其物

其動無形

正儀子曰玄應之迹不可見

其靜無體

正儀子曰非有依而止靜

存而若亡生而若死出入無間役使鬼神精神之所

能登假於道者也使精神暢達而不失於元日夜每

隙而與物爲春

正儀子曰和氣接於百無間息

卽是合而生時於心者也。正儀子曰心不自生合時而生

故形有靡而神未嘗化

默希子曰形有同無神無常有

以不化應化千變萬轉而未始有極化者復歸於無形也不化者與天地俱生也故生生者未嘗生其所

生者卽生化化者未嘗化化所化者卽化

默希子曰萬物受生

化不得不生化故淪於無形天地下生化而能生也故所以常生常化也

此真人之遊也純粹之道也

默希子曰言純氣精妙遊於不生不化之途故

曰真人

老子卷四

句餘孫 續文融評

武林梁 杰廷玉閱

符言篇

符者契也。言者理也。故因言契理之微悟道忘言之妙可謂與矣。

老子曰：道至高無上，至深無下，平乎准，直乎繩。

默希子曰：

非衡而平，無處不爽；非繩而直，無處不正。

圓乎規，方乎矩。

默希子曰：非圓能圓而無圓，非方能方而無方。

包裹天地而無表裏。

正儀子曰：其大無外，其小無內。

洞同覆蓋而無所礙。

王儀子曰水圓無涯大通無滯

是故體道者不怒不喜其坐無慮寢而不夢見物而名事至而應

南谷子曰符以示信言以達誠世有謂符命符璽金符玉符者以能示信達誠此感彼應故曰符言惟聖人見物而名事至而應不言之言可以符信

老子曰欲尸名者必生事事生卽舍公而就私倍道而任己見譽而爲善立名而爲賢

默希子曰背道所譽非善之善趨俗

求名非賢之賢也

卽治不順理而事不順時治不順理則多責事不順

時則無功妄爲要中功成不足以塞責事敗足以

身

正儀子曰晏譽立效求合時君者功未濟物敗以及身也

老子曰無爲名節無爲謀府無爲事任無爲智主藏

於無形行於無息不爲福先不爲禍始

默希子曰動不爲主則無

形無形故無將迎之禍唱而方應則無息無息故無未來之禍也

始於無形動於不得已欲福先無禍欲利先遠害

正儀

子曰未兆之事則爲福絕非常之利則無害也

故無爲而寧者失其所寧卽危無爲而治者失其所

治卽亂

默希子曰失所寧謂捨所寧而更外求寧失所治謂遺身而求治人

故不欲碌碌如玉，落落如石。正儀子曰：謂玉石有分而爭奪生。

其文好者皮必剝，其角美者身必殺，甘泉必竭，直木

必伐。

黜希子曰：物有美而見害人希名而召禍。

華榮之言後爲愆。

黜希子曰：先騁其辭後招身禍。

石有玉傷其山，黔首之愆固在言前。

正儀子曰：且君子儆戒尚有三

戒小人勝口，言不招禍也。

老子曰：時之行動以從，不知道者福爲禍。時之從動

以行不知道者福爲禍。

正儀子曰：時者多承福而作威，故福極而禍生，非禍福相

傾乃動也。

之平分耳。

夜明堂

天為蓋地為軫善用道者終無盡地為軫天為蓋善

用道者終無害

默希子曰以天為蓋覆無涯而皆善以地為軫運無窮而莫害

陳彼五行必有勝

正儀子曰金火相攻袁王遜作

天之所覆無不稱故知不知上不知知病也

默希子曰知無

知者善不知強知者病也

老子曰山生金石生玉反相剝木生蠱還自食人生

事還自賊

正儀子曰名顯道喪事起害生

夫好事者未嘗不中爭利者未嘗不窮

默希子曰未

其足蒙塵不垢其身者矣

善游者溺。善騎者墜。各以所好。反自爲禍。得在時不

在事。治在道不在聖。

默希子曰時會自得。不假力爭道在自尊。何煩於聖。

土處下不爭高。故安而不危。水流下不爭疾。故去而不遲。是以聖人無執。故無失。無爲。故無敗。

老子曰。一言不可窮也。二言天下宗也。三言諸侯雄也。四言天下雙也。貞信則不可窮。道德則天下宗。舉賢德。諸侯雄。惡少愛衆。天下雙。

正儀子曰兼得四句者上爲皇。爲帝。偏得

一言則下爲
霸爲佐也

丁曰。人有三死。非命亡焉。飲食不節。簡賤其身。病

共殺之樂得無已。好求不止。刑共殺之。以寡犯衆。以弱凌強。兵共殺之。

老子曰其施厚者其報美。其怨大者其禍深。薄施而厚望。畜怨而無患者未之有也。察其所以往者。卽知其所以來矣。

老子曰原天命。治心術。理好憎。適情性。卽治道通矣。原天命卽不惑禍福。治心術卽不妄喜怒。理好憎卽不貪無用。適情性卽欲不過。節不惑禍福卽動靜順。理不妄喜怒卽賞罰不阿。不貪無用卽不以欲害性。

秋不過節卽養生知足凡此四者不求於外不假於人反已而得矣

老子曰不求可非之行不憎人之非已

默希子曰無譎詐之行人

何非我懷仁恕之情我無尤人也

此篇修足譽之德不求人之譽已不能使禍無至信已之不迎也不能使福必來信已之不讓也禍之至非已之所生故窮而不愛福之來非已之所成故通而不矜是故閒居而樂無爲而治

默希子曰恬泊優游而已

老子曰道者守其所已有不求其所以未得求其所

未得。卽所有者亡。循其所已有。卽所欲者至。然考于曰已有

者一身之精神未有者多方之伎術今廢已有之精神所未得之方術未得者未至所得者已亡不保得一之由難追兩失之悔

二故至人守其本不尋其末

治未固於不亂而事爲治者必危行未免於無非而急求名者必到故禍莫大於無禍利莫大於不喪然

子曰無禍之福福之厚矣無喪之利利之大矣

故物或益之而損損之而益夫道不可以勸就利者而可以安神避害正義子曰道者不可誘以利無利則無害故神自安道自求也

故嘗無庸不嘗有福嘗無罪不嘗有功道曰芒芒昧

昧從天之威與天同氣無思慮也無設儲也來者不

迎去者不將

然希子曰任其自得

人雖東西南北獨立中央

然希子曰身應物而無窮道居中而獨運

故處衆枉不失其直與天下並流不離其域

正儀子曰至氣

流轉真精常存

不爲善不避醜遵天之道不爲始不專已循天之理
不豫謀不棄時與天爲期不求得不辭福從天之則

正儀子曰天無心不言而萬物生人無爲不謀而不事遂

內無奇福外無奇禍故禍福不生焉有人賊故至德

善本性成
一爲後究
聖

不滿意
任則起

言同轡事同福上下一心無岐道旁見者退之於邪

開道之於善而民向方矣

默希子曰備見不足以化俗正道可以誘民也

南谷子曰夫守其已有則未得或至求其未得則所有或亡是以有道者內無奇福外無奇禍

老子曰爲善卽勸爲不善卽觀勸卽生責觀卽生患

默希子曰勸勉也觀察也夫人爲善當日自勉之有不善者察見已過則向方矣是不勉其爲善矣一若以已爲善察求人之不善而責之者則有患矣故勸爲善而不善矣

故道不可以進而求名可以退而修身故聖人不以行求名不以知見求譽治隨自然已無所與爲者有不成求者有不得人有窮而道無通

默希子曰人有求而不得道無

爲而
自周

有智而無爲。與無智同功。有能而無事。與無能同德。

有智若無智。有能若無能。道理達而人才滅矣。默希子曰

夫至德內克。人才外滅者。故有若無。實若虛者也。

人與道不兩明。人愛名。卽不用道。道勝人。卽名息。道

息。人名章。卽危亡。正儀子曰。道頽。致事不兩全。

老子曰。使信士守財。不如定分。而探籌。何則。有心者。之於平。不如無心者也。使廉士守財。不如閉戶而金封。以爲有欲者之於庶。不如無欲者也。正儀子曰。探籌。絕疑於金。

心齋士見
請於有欲

人舉其疵則怨鑑見其醜則自喜

默希子曰賢者惑
過而思改愚者自

煤而
爲善

人能接物而不與已卽免於累矣

正儀子曰先人
後已終身無咎

老子曰凡事人者非以寶幣必以卑辭幣單而欲不
厭卑體免辭論說而交不結約束誓盟約定而反先

日默希子曰君子之交不假結約一言而定終身不
易小人之交要以誓盟未盈旬時已違舊要也

是以君子不外飾仁義而內修道德修其境內之事
盡其地方之廣勸民守死堅其城郭上下一心與之

守社稷卽爲民者不伐無罪爲利者不攻難得此必
全之道必利之理

勝字當平
聲讀言聖

老子曰聖人不勝其心衆人不勝其欲

正儀子曰心
勝則道全欲

人無是非
心與人無

勝則
心允

是非欲也

君子行正氣小人行邪氣內便於性外合於義循理
而動不繫於物者正氣也推於滋味淫於聲色發於
喜怒不顧後患者邪氣也邪與正相傷欲與性相害
不可兩立一起一廢故聖人損欲而從性目好色耳
好聲鼻好香口好味合而說之不離利害嗜欲也

目鼻口不知所欲皆心爲之制各得其所出此觀之

欲不可勝亦明矣

黜希子曰六情所欲一心爲制氣正於中則欲不害性

老子曰治身養性者節寢處適飲食和喜怒便動靜
內在已者得而邪氣無出入飾其外者傷其內扶其
情者害其神見其文者蔽其真夫酒與忘爲賢者必
困其性百步之中忘其爲容者必累其形

黜希子曰君子慎微

不在於遠十步之內酒與忘之間皆有非意安可怠忽

故羽翼美者傷其骸骨枝葉茂者害其根莖能兩美
者天下無之

老子曰天有明不憂民之晦也。地有財不憂民之貧也。至德道者若丘山塊然不動行者以爲期直已而物足不爲人賜用之者亦不受其德故安而能久天地無與也。故無奪也。無德也。故無怨也。

王儼子曰至人者勢名不

能動欲害不能傾塊然獨處雖然不動以其常足不受賜脫其所取輒亦無害故與之不德奪之無怨故能

長久也

善怒者必多怨善與者必善奪唯隨天地之自然而能勝理故譽見卽毀隨之善見卽惡從之利爲害始爲禍先不求利卽無禍身以全爲常富貴其寄也

老子曰聖人無屈奇之服詭異之行服不雜行不觀
默希子曰服不
驚衆行不異人

邈而不華窮而不懾榮而不顯隱而不辱異而不怪。

正儀子曰窮通命也故不華不懾榮
時也故不顯不辱雖異於人何足怪也

同用無以名之是謂大通

商谷子曰聖人不爲屈奇之服詭異之行惟光而
不耀蘆而不刺與民同用而已夫是之謂大通

老子曰道者直已而待命時之至不可迎而返也時
之去不可追而援也故聖人不進而求不退而讓

正儀

子曰正身待命直道
從時不將不迎也

隨時三年時去我走去時三年時在我後無去無就。

中立其所。

默希子曰此言先之太過後之不及惟獨立其中而安其所也。

天道無親唯德是與福之至非已之所求故不伐其

功禍之來非已之所生故不悔其行中心其恬不累

其德。

默希子曰非譽不能生寵辱不能驚。

狗吠不驚自信其情誠無非分。

默希子曰自明無非故不驚懼。

故通道者不感知命者不憂帝王之崩藏骸於野其

祭也祀之於明堂神貴於形也。

正儀子曰言古帝王藏骸於野不封不樹。

示民有終祀神明堂不

請不盪示民知嚴也。

故神制形則從形勝神則窮聰明雖用必反諸神謂

之大通

默希子曰依神形全縱欲神逝自非明達焉能保之

老子曰古之存已者樂德而忘賤故名不動志樂道而忘貧故利不動心是以謙而能樂靜而能潛以算數之壽憂天下之亂猶憂河水之涸泣而益之也故不憂天下之亂而樂其身治者可與言道矣

正儀子曰喻人

不憂壽之將盡而憂天下之不治是猶泣涸欲增河漚也

老子曰人有三怨。爵高者人妒之。官大者主惡之。祿厚者人怨之。夫爵益高者意益下。官益大者心益小。

祿益厚者施益博。修此三者，怨不作，故貴以賤爲本，高以下爲基。

此轉調法
入聲之

老子曰：言者所以通己於人也，聞者所以通人於己也。既聞且聾，入道不通，故有聞聾之病者，莫知事通。豈獨形骸有聞聾哉？心亦有之塞也。莫知所通，此聞聾之類也。夫道之爲宗也，有形者皆生焉，其爲親也亦戚矣；饗穀食氣者皆壽焉，其爲君也亦惠矣。諸智

者學焉，其爲師也亦明矣。

慧希子曰：生以道爲親，無形而形焉，其爲親也大矣。

穀以氣爲君，非善而壽焉，其爲惠也厚矣。智以學爲師，非師而師焉，其爲明也至矣。

人皆以無用害有用

正儀子曰勤無用之事傷有涯之情

故知不博而日不足以博奕之日問道聞見深矣

然希

子曰移博奕而專問道可致深妙也

不問與不問猶問聾之比於人也

正儀子曰不問不問是謂問聾

老子曰人之情心服於德不服於力

然希子曰可以德制難以力爭

德在與不在來

正儀子曰德施不望報

是以聖人之欲貴於人者先貴人欲尊於人者先尊人欲勝人者先自勝卑人者先自卑故貴賤尊卑道以制之夫古之聖王以其言下人以其身後人即天

下樂推而不厭戴而不重此德重有餘而氣順也故知與之爲取後之爲先幾於道矣

老子曰德少而寵多者譏才下而位高者危無大功而有厚祿者微故物或益之而損或損之而益衆人皆知利利而不知病病唯聖人知病之爲利利之爲病故再實之木其根必傷多藏之家其後必殃夫大利者反爲害天之道也

正儀子曰謂非利而得者先利後害天之道也

老子曰小人從事曰苟得君子曰苟義爲善者非求名者也而名從之名不與利期而利歸之所求者曰

所極者異

黜希子曰小人從事以得權爲利利從而害之君子直道不以利爲期而名歸之故

受利同而

遇害異也

故動有益則損隨之言無常是行無常宜者小人也

正儀子曰不

恒其德也

察之於一事通之於一能中人也

黜希子曰所見不同周於一城

兼覆而并有之技能而才使之者聖人也

黜希子曰黜姦去邪

任賢使能此聖人也

南谷子曰圓顛方趾含齒戴髮均是人也稟氣有異愚智分焉小人苟得才勝德也君子苟義德勝才也可上可下則爲中人天縱多能其聖人乎

老子曰生所假也死所歸也故世治卽以義衛身世

亂卽以身衛義死之日。行之終也。默希子曰視死如歸猶生之年也。

故君子慎一用之而已矣。正儀子曰依道而行動不乖正。

故生所受於天也。命所遭於時也。有其才不遇其世。天也。求之有道。得之有命。君子能爲善不能必得其福。不忍爲非。未必免於禍。故君子逢時卽進。得之以義。伺幸之。有不時卽退。讓之以禮。何不幸之有。故雖處貧賤而猶不悔者。得其所貴也。正儀子曰所貴道義耳。

老子曰。人有順逆之氣。生於心。心治則氣順。心亂則氣逆。心之治亂在於道德。得道則心治。失道則心亂。

心淫則交讓心亂則交爭讓則有德爭則生賊有德

則氣順賊生則氣逆

默希子曰一其心則順而正二其氣即逆而邪正則道隆邪則

害生道存則神清清則和治賊生則

氣濁濁則爭亂濁且亂亡無日矣

氣順則自損以奉人氣逆則損人以自奉二氣者可

道已而制也

默希子曰難以事損可以道制

天之道其猶響之報聲也德積則福生禍積則怨生

默希子曰善

惡報如影響

官敗於官茂孝衰於妻子思生於憂解病甚

音於且

瘡故順終如始則無敗事也

默希子曰官敗於失正法孝衰於匿私房憂難

管解精慮患生病且痛
仍宜節欲則終始無敗

老子曰舉枉與直如何不得舉直與枉勿與遂往所

謂同汗而異泥者

正儀子曰知人不易舉人必明今舉枉爲直以愚爲賢豈有同汗而

異泥也

老子曰聖人同死生愚人亦同死生聖人同死生明

於分理愚人同死生不知利害之所在

正儀子曰聖人一死生不

利彼此故無死生愚人異死生則在得夫故愈死生

道懸天物布地和在人人主不和卽天氣不下地氣

不上陰陽不調風雨不時人民疾亂

默希子曰道係於天物差於地

中和在人人者天之機地之靈故爲人之主也
和治其氣安撫萬物則風雨不愆災害不作也

老子曰得萬人之兵不如聞一言之當得隋侯之珠
不如得事之所由得和氏之璧不如得事之所適天

下雖大好用兵者亡國雖安好戰者危故小國寡民

雖有什伯之器而勿用

正儀子曰大國在修德
小國貴事人則無兵伐

老子曰能成霸王者必勝者也能勝敵者必強者也

正儀子曰非道不

御非德不勝也

能強者必用人力者也能用人力者必得人心者也

正儀子曰用賢者

之力得衆人之心

能得人心者必自得者也自得者必柔弱者能勝不
如已者至於若已者而格柔勝出於若已者其事不
可廢故能衆不勝成大勝者也

默希子曰惟保謙柔
衆不能屈故能成其

勝也

文子卷五

句餘孫 續文融評

武林梁 杰廷玉閱

道德篇

此篇上用道德下及禮智雖前篇具明今更起問以其玄奧故宜精審將成後學之要也

文子問道老子曰學問不精聽道不深

默希子曰非學不知非精

不達

凡聽者將以達智也將以成行也將以致功名也

正儀

卷五將以
作句讀

子曰達聖哲之智成仁
義之行致匡佐之功也

似發其
其

不精不明不深不達故上學以神聽中學以心聽下

學以耳聽

正儀子曰上學體道以達和中學
好道以成行下學游道以至名也

以耳聽者學在皮膚以心聽者學在肌肉以神聽者

學在骨髓故聽之不深即知之不明知之不明即不

能盡其精不能盡其精即行之不成凡聽之理虛心

清靜損氣無盛

正儀子曰謂損
其氣以處道也

無思無慮日無妄視耳無苟聽專精積稿內意盈并

既以得之必固守之必長久之

默希子曰此為神聽
之法悟道之由善聽

不忘善抱

不脫也

天道者原產有始

默希子曰欲聽其理必先明本

如於柔弱成於剛強始於短寡成於衆長十圍之木始於把百仞之臺始於下此天之道也

默希子曰自無生有從微

至著也

聖人法之卑者所以自下也退者所以自後也儉者所以自小也損者所以自少也卑則尊退則先儉則

廣損則大此天道所成也

默希子曰凡人多自尊而卑人故失人之所尊聖人

後已而先人故得人之所先是知忤物

則羣情莫應順天則樂推而不厭也

南谷子曰氣形道德之體用乎氣乃無形之物物乃有形之炁炁無形故柔弱物有形故剛強則知

然者形之始也。道生德畜由微至著。聖人法之體立。用行天道成矣。

夫道者德之元。天之根。福之門。萬物待之而生。待之而成。待之而寧。夫道無爲無形。內以修身。外以治人。功成事立。與天爲鄰。無爲而無不爲。莫知其精。其精

甚真。其中有信。

正儀子曰。適感而至。得非信乎。

天子有道。卽天下服。長有社稷。公侯有道。則人民和睦。不失其國。士庶有道。則全其身。保其親。強大有道。不戰而克。小弱有道。不爭而得。舉事有道。功成福得。君臣有道。則忠惠。父子有道。則慈孝。士庶有道。則相

愛故有道則和無道則苛由是觀之道之於人無所
不宜也夫道者少行之少得福大行之大得福盡行
之天下服服則懷之

正儀子曰隨器而受酌焉不竭

故帝者天下適之也王者天下往之也

正儀子曰適者通謂性命

之所安往者不得已就耳自殊優劣也

天下不適不往不可謂帝王故帝王者不得人不能
成得人失道亦不能守夫失道者奢泰驕佚慢倨矜
傲見餘自顯自明執雄堅強作難結怨爲兵主爲亂
首小人行之身受大殃大人行之國家滅亡淺及其

身深及子孫夫罪莫大於無道怨莫深於無德天道
然也

老子曰夫行道者使人雖勇刺之不入雖巧擊之不
中夫刺之不入擊之不中而猶辱也未若使人雖勇
不敢刺雖巧不敢擊夫不敢者非無其意也未若使
人無其意者未有愛利害之心也不若使天下丈夫
女子莫不懼然皆欲愛利之若然者無地而爲君無
官而爲長天下莫不願安利之故勇於敢則殺勇於
不敢則活

默希子曰勇於敢則
死勇於不敢則存也

南谷子曰道非有心於應物而物自應之夫利
不傷未若憚然皆有愛利之心雖無地而人君之
無官而人長之天下莫不願安利之古之人有庚
桑子者其德似之

文子問德老子曰畜之養之遂之長之兼利無擇與
天地合此謂之德何謂仁曰爲上不矜其功爲下不
羞其病於大不矜於小不偷兼愛無私久而不衰此
之謂仁也

默希子曰貴爲天子而不驕賤爲匹夫而不憂慈惠不偏博施濟衆所謂仁也

何爲義曰爲上則輔弱爲下則守節達不肆意窮不
易操一度順理不私枉撓此之謂義也何謂禮曰爲
上則恭嚴爲下則卑敬退讓守柔爲天下雌立於不

敢設於不能此之謂禮也故修其德則下從令修其仁則下不爭修其義則下平正修其禮則下尊敬四者既修國家安寧故物生者道也長者德也愛者仁也正者義也敬者禮也不畜不養不能遂長不慈不愛不能成遂不正不匡不能久長不敬不寵不能貴重故德者民之所貴也仁者民之所懷也義者民之所畏也禮者民之所敬也此四者文之順也聖人之

所以御萬物也

正儀子曰若非正類於人文則萬情多端不可驅御矣

君子無德卽下怨

正儀子曰以抑其性故怨

無仁卽下爭

正儀子曰以無所惠故爭

無義卽下暴

默希子曰以踰我分故暴

無禮卽下亂

默希子曰以失常故亂

四經不立謂之無道不亡者未之有也

老子曰至德之世使質便其市農樂其野大夫安其

職處士修其道民人樂其業是以風雨不毀折草木

不夭死

默希子曰惟德動天澤沾庶物此聖人至治所致也

及世之衰也賦歛無度殺戮無止刑諫者殺賢士是

以山崩川涸蠕動不息野無百蔬

正儀子曰毒流蒸人下結煩怨之氣

氣能逆天戾常
故生災饑之變

故世治卽愚者不得獨亂世亂卽賢者不能獨治故

聖人和愉寧靜生也

正儀子曰未嘗
憂躁以虧性分

志得道行命也故生遭命而後能行命得時而後能
明必有其世而後有其人

文子問聖智老子曰聞而知之聖也見而知之智也

正儀子曰心見
者聖目見者智

故聖人常聞禍福所生而擇其道

正儀子曰擇平靜
之道而守之則無

因以爲
朕兆

智者常見禍福成形而擇其行

正儀子曰擇正慎之行而修之則能預柱

漸萌

聖人知天道吉凶故知禍福所生智者先見成形故

知禍福之門

默希子曰聖人知吉凶倚伏察其未形故治於未亂智者知禍福相傾監於已

兆故不游其門也

聞未生聖人也先見成形智也無聞見者愚迷也

默希

子曰聞未生之事非聖如何觀已形之禍非智如何無聞無見真謂愚迷也已矣

老子曰君好知即信時棄數而用思

正儀子曰謂信所遇之時因以

爲已知棄必然之數

而用思所及者也

物博智淺瞻博未之有也獨任其智失必多矣

正儀
子曰

物宜多端智有涯極
故不能瞻以至多失

好智窮術也好勇危亡之道也好與而無定分上之
分不定卽下之望無止若多歛卽與民爲讐少取而
多與其數無有故好與來怨之道也由是觀之財不
足任道術可因明矣

默希子曰觀取與之分乃從怨
之府是以財不足以救時唯道

可以
輔衆

文子問曰古之王者以道流天下爲之柰何老子曰
執一無爲因天地與之變化天下大器也不可執也

不可爲也。爲者敗之。執者失之。

默希子曰神而無形不可執也。執者非也。

微而無狀不可爲也。爲者敗之。

執一者見小也。

正儀子曰不載纖芥之能豈非護小。

見小故能成其大。

正儀子曰且無所載因彼而成則無之不通也。

無爲者守靜也。守靜能爲天下正。處大滿而不溢。居高貴而無驕。處大不溢盈而不虧。居上不驕。高而不危。盈而不虧。所以長守富也。高而不危。所以長守貴也。富貴不離其身。祿及子孫。古之王道具於此矣。

默希

子曰昔者明王皆守此道以化天下也。

老子曰民有道所同行有法所同守義不能相固威不能相必故立君以一之

正儀子曰皆慕義道而懼典法但不能永固所義專

必所畏故立君以齊一之也

君執一卽治無常卽亂君道者非所以有爲也所以無爲也智者不以德爲事勇者不以力爲暴仁者不以位爲惠可謂一矣一也者無適之道也萬物之本

也

然希子曰一者法也適者往也言君致法而治則萬物皆歸往於君

君數易法國數易君

正儀子曰數易法度民不堪命

人以其位達其好憎下之徑衢不可勝理

正儀子曰天子恃道

任好憎而成取合法令嚴
章下多岐路不可勝理也

政君失一其亂甚於無君君必執一而後能羣矣

南谷子曰天下雖大君以一之君一則道不待爲
民所同法不待變民所同守智不以德勇不以力
仁不以惠合而一之君之道也若夫君數易法國
數易君則甚於無君也矣

文子問曰王道有幾老子曰一而已矣

默希子曰皇
王之號雖殊

古今之道
唯一也

文子曰古有以道王者有以兵王者何其一也曰以

道王者德也以兵王者亦德也

正儀子曰上以
道得下以義得

用兵有五有義兵有應兵有忿兵有貪兵有驕兵誅

暴極湯謂之義。敵來加已不得已而用之。謂之應。爭
小故。不勝其心。謂之忿。利人土地。欲人財貨。謂之貪。
恃其國家之大。矜其人民之衆。欲見賢於敵國者。謂

之驕。義兵王。

正儀子曰。令天下心故王。

應兵勝。

正儀子曰。以其後動故勝。

忿兵敗。

正儀子曰。不勝忍故敗。

貪兵死。

正儀子曰。不能自守故死。

驕兵滅。

正儀子曰。友天道故滅。

此天道然也。

老子曰釋道而任智者危棄數而用才者困

默希子曰

夷之道專巧詐之智遺禍福之數騁
譎詭之才抑本趨末得不危亡也

故守分循理失之不憂得之不喜成者非所爲得者

非所求

默希子曰不驚
得失自無憂喜

入者有受而無取出者有授而無與

默希子曰受無
貪取之心與無

矜出
之態

因春而生因秋而殺所生不德所殺不怨則幾於道

矣

默希子曰春秋無心生殺
有時人主無爲賞罰必當

文子問曰王者得其歡心爲之柰何

默希子曰帝王
之理何以得百

老子曰若江海卽是也淡兮無味用之不旣先小而後大夫欲上人者必以其言下之欲先人者必以其身後之天下必效其歡愛進其仁義而無苛氣居上而民不重居前而衆不害天下樂推而不厭雖絕國殊俗蝸飛蠕動莫不親愛無之而不通無往而不遂故爲天下貴

商谷子曰江海善下而有容故百川歸之王者法之以爲治容民畜衆故得百姓之權心樂共推戴天下歸從矣草木昆蟲亦將欣服其貴可知

老子曰執一世之法籍以非傳代之俗譬猶膠柱而

調瑟也。

默希子曰執一隅之說非通代之典其膠柱調瑟何能求典節之全也

聖人者應時權變見形施宜世異則事變時移則俗

易臨世立法隨時舉事

正儀子曰兆庶情僞風俗不一帝王質文世有損益立事

與時非聖者孰能盡哉

上古之王法度不同非故相反也職務異也是故不

法其已成之法而法其所以爲法所以爲法者與化

推移也

默希子曰道無隆替而俗有變革是以五帝不同治三王不共法非欲相反因時宜者也

聖人法之可觀也其所以作法不可原也

正儀子曰法施於外

則可觀擬權在於
內不可原究也

其言可聽也。其所以言不可形也。

正儀子曰法度之言則可傳聽而立

意之由罔

難顯著矣

三皇五帝輕天下細萬物齊死生同變化

正儀子曰遺位而忘

懷一遇而大順

抱道推誠以鏡萬物之情

正儀子曰道法誠明故可通鑒

上與道爲友下與化爲人今欲學其道不得其清明
玄聖守其法籍行其憲令必不能以爲治矣

南谷子曰一炁運行四時更變有不容不爾者天道然也皇帝王伯之治不同若出人爲實由天運

故不可執一世之法籍而爲傳代之治惟隨時而
舉事隨事而應變則可以論世立法如冬不可葛
夏不可裘知
天道者能之

文子問政老子曰御之以道養之以德無示以賢無

加以力

默希子曰教之以道無見其
智能臨之以德無矜其威勢

損而執一無處可利無見可欲

默希子曰清虛爲
體欲利自忘也

方而不割。庶而不剋。

默希子曰正不
割物庶不傷義

無矜無伐御之以道則民附養之以懷則民服無示

以賢則民足無加以力則民朴無示以賢者儉也無

加以力者不敢也下以聚之賂以取之儉以自全不

敢自安不下則離散弗養則背叛示以賢則民爭加
以力則民怨離散則國勢衰民背叛則上無威人爭
則輕爲非下怨其上則位危四者誠修正道幾矣

老子曰上言者下用也下言者上用也

正儀子曰納下言從諫如

流奉 上言其出如論

上言者常道也下言者權用也

正儀子曰立教由君是以常用諫而必納

所貴如權

唯聖人爲能知權言而必信期而必當天下之高行
直而證父信而死女孰能貴之

正儀子曰父攘子證之直躬期女溺身之

存信若此高行
誰當見哀矣

故聖人論事之曲直與之屈伸無常儀表

默希子曰
理在稱機

事無
定體

祝則名君溺則粹父勢使然也

正儀子曰粹提髮也
夫以君父之尊處祝

溺之際不名其君則非敬不粹其
父則非孝勢在反常以濟其可矣

夫權者聖人所獨見

正儀子曰機權
至微凡情莫及

夫先迂而後合者謂之權先合而後迂者謂之不知

權不知權者善反醜矣

默希子曰善用權者先諱而
後通不善用者始吉而終凶

南谷子曰上言下用經者權之體也
言上用權者經之用也經權相濟事無不宜唯聖人知權言

而必信期而必當與之屈伸而審其逆合者若夫
執中無權則不能隨時而適變膠柱調瑟反醜矣

文子問曰夫子之言非道德無以治天下上世之王
繼嗣因業亦有無道各沒其世而無禍敗者何道以

然

默希子曰
設問之意

老子曰自天子以下至於庶人各自生活然其活有
厚薄天下時有亡國破家無道德之故也

正儀子曰
言雖有沒

世無禍敗者但命數之厚耳然其

亡國破家莫不因無道而失者

夙夜不懈戰戰兢兢常恐危亡縱欲怠情其亡無時
使桀紂修道行德湯武雖賢無所建其功也夫道德

者所以相生養也。所以相畜長也。所以相親愛也。所

以相敬貴也。

正儀子曰道德之養敬愛之美乃由此立

夫聾、聵、雖愚不害其所愛誠使天下之民皆懷仁愛

之心禍災何由生乎

默希子曰夫道者廣覆厚載生之畜之親之愛之一不異物盡

申謹已使萬物皆然則雖聾聵之愚尚感仁澤何愛禍災之生也

夫無道而無禍害者仁未絕義未滅也仁雖未絕義

雖未滅諸侯以輕其上矣諸侯輕上則朝廷不恭縱

令不順

正儀子曰凡恭順之至直在乎中感者也

仁絕義滅諸侯背叛衆人力攻強者陵弱者侵小

文子

民人以攻擊爲業，災害生，禍亂作，其亡無日，何期無禍也。

老子曰：法煩刑峻，卽民生詐，上多事，則下多態。

正儀子曰

必多端，患以承其事。

求多卽得寡，禁多卽勝少。

正儀子曰：以其失多故寡，以其犯多故少，勝也。

以事生事，又以事止事。譬猶揚火而欲使無焚也。

正儀

子曰：夫無事止事，事則止矣。以事止事，事止復生矣。止彼所生之事，生此所止之事，則如揚火欲求

無焚也。

更焚也。

以智生患，又以智避之。譬猶撓水而欲求其清也。

正儀

卽法今遊
資益財多
有君

子曰上棄智巧下民全性也除患之本止乎多若
既因智以患生復設智以防患是欲木之清而撓
之也

清谷子曰法本以求治煩則生亂刑本以禁奸峻
則興詐夫上多事而欲民無事者是猶強之飲而
責其醉也則是罔民也矣安可云治乎

老子曰人主好仁卽無功者賞有罪者釋好刑卽有
功者廢無罪者及無好憎者誅而無怨施而不德然

子曰人主無好憎之心則臣無頗
僻之刑則賞者不避誅者不怨

放準循繩身無與事若天若地何不覆載合而和之
君也別而誅之法也民以受誅無所怨憾謂之道德
老子曰天下是非無所定世各是其所善而非其惡

巧論是非
莊則用定
先則用實

支子

夫求非者非求道理也。求合於己者也。非去邪也。去

近於心者也。今吾欲擇是而居之，擇非而去之，不知

世所謂是非也。正儀子曰：夫求非者，不能無也。去非

者，不能無也。今欲擇是而居，擇非而去，去非

者，全上之是，未必出於邪。此明是非之治，未可必

天下正也。故治大國者，若烹小鮮，曰勿撓而已。正儀子曰：小魚

民頌之，則濇亂，故其設法令，以相是非者，不能治之也。

夫趨合者，卽言中而益親，身疏而謀當，卽見疑。正儀

世之常情，莫有公是唯合私爲是耳。故言使而中，則益親，身疏而忠，則見疑。

今吾雖欲正身而待物。何知世之所從規我者乎。

子曰將欲自正其身以待於物豈無世人以不合之故反持彼正而規我也

吾若與俗遽走猶逃雨也無之而不濡。

默希子曰今我欲爲人規

矩人亦爲我匠器速走避雨身已勞倦不免沾濡

欲在於虛則不能虛若夫不爲虛而自虛者此所欲

而無不致也。

默希子曰夫虛者無欲有欲非虛無心無所不至也

故通於道者如車軸不運於已而與轂致於千里轉

於無窮之原也。

默希子曰達道之士身由轂也神由軸也身混世而常適心忘中而常寂

不馳言外不勞諸已故能轉於無窮之路游於絕冥之境

故聖人體道反至不化以待化動而無爲也

老子曰夫亟戰勝者則國必亡

王儀子
亟數戰也

亟戰則民罷數勝則主驕以驕主使罷民而國不亡者寡矣主驕則恣恣則極物民罷則怨怨則極慮上下俱極而不亡者未之有也故功遂身退天之道也